



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniae Agrippinae, 1712**

Q. 270. Quid Confessarius captivi vel condemnati ad mortem.

**urn:nbn:de:hbz:466:1-42433**

premunt. Et quomodo etiam in articulo mortis possit pœnitentia agi, rectè deducit *Viexm.* p. 6. c. 6. Exempla, quibus spes nostra ex Dei bonitate & misericordia erigitur, affert *Voglerus* *Suprà* l. 3. c. 11.

1841. Q. 270. Quid observare debeat Confessarius captivi vel condemnati ad mortem. R. §. 1. Confessarium Rei instruit *Busenb.* *relatus* l. 4. nu. 1531. Quid autem Reo liceat, dictum est ibidem à n. 1521. Confessarium Magæ, veneticæ, & similia, qui cum dæmone pactum habuerunt, instruit idem *Busenb.* *relatus* l. 3. p. 1. nu. 41. Item *Voglerus* in *Trostbronn* l. 7. c. 7. Communitè notant omnes, quamdiu in captivum sententia lata non est, non facilè audiendum pro confessione, præsertim si neget illa, de quibus accusatur, quia periculum est, ne quantumvis fecerit, etiam in confessione neget, ut Confessarium habeat patronum. Quòd si teneatur ob crimina, quæ non negat, tum audiri potest, ut & plerumque tum, quando suâ sponte petit confiteri: nihilominus assecuret eum Confessarius, etiam cum juramento, si opus, nihil obfuturum, quidquid inter se sincerè loquentur extra Sacramentum.

1842. §. 2. Non spondeat se fore patronum pro ejus vita, tum enim non ita seriò se disponit, & si spe cadat, facilè alienabitur à Confessario, hinc potius disponat ad expectandam sententiam, interim profuturum, si de peccatis seriò doleat, & in satisfactionem offerat ignominiam & molestias carceris. Nihil æquivocè loquatur cum illo, ne postea cõqueri possit se deceptum, quod potest esse causa gravis perturbationis in fine vitæ. §. 3.



§. 3. Si Reus est, & teneatur crimen etiam 1843.  
capitale fateri Judici hic & nunc legitimè in-  
terroganti, suadere imò & obligare potest, ut  
fateatur, nec ideo fit irregularis, *Vasq. Turr. Lu-*  
*go, Aversa* q. 16. l. 2. quod *Arr. d. 43. n. 26.* dicit  
sibi esse evidens, quia non est credibile Eccle-  
siam voluisse imponere irregularitatem actio-  
ni, ad quam hic & nunc tenetur Confessarius  
pro salute æterna sui pœnitentis.

§. 4. Quamvis secundùm *Vasq. Az. Less. & 1844.*  
alios apud *Dian. p. 3. t. 5. R. 102.* omnes, qui  
non sunt ministri justitiæ, per se loquendo,  
cooperari possunt ad fugam talis Rei, & instru-  
menta offerre ad effringendos carceres, tamen  
ab eo, uti & à fuga suadenda absteineat Confes-  
sarius, ne commoveat in se Magistratus.

§. 5. Confessarius non indicet ipsemet sen- 1845.  
tentiam mortis Reo, sed permittat id fieri per  
alium: nec proponat ei tristitia sed consolatoria  
& excitantia ad spem æternæ felicitatis.

§. 6. Damnatis ad mortem plerumque in- 1846.  
jungenda est levissima pœnitentia, quam statim  
expleant, etiam cum ipso Confessario: possunt-  
que ei pro pœnitentia injungi cruciatus vel  
angores ante supplicium, aut etiam supplicium  
ipsum, ut quantum potest, patienter sustineat.  
Si possit, adducat Reum, ut dormiat nocte ante  
mortem, alioqui deficiet viribus capitis: & ex-  
pedit dormienti adesse aliquem, qui excitatum  
animet.

§. 7. Caveat, ne sit causa, cur mors appropie- 1847.  
retur, ne fortè, secundùm sententiam aliquo-  
rum Doctorum, irregularitatem incurrat: unde  
non præeat Reum, aut si sistat, non moneat, ut  
pergat, sed sequatur ipse, & sistenti se accom-  
modet.



1848. §. 8. Si existens in scalis adhuc confiteri velit, si prius jam confessus est, & Judex difficultat concederet descensum, moneat de dolore eliciendo, & ibi absolvat: si autem ex pertinacia antea non fuit confessus, rogandus Judex, ut permittat descendere.
1849. §. 9. Si per testimonia plenè convictus, neget crimen, *Suar. & Sanch. nolunt, Hurt. & Perrel. volunt absolvi: Avers. l. 1. rectè dicit, si factem dubiè præsumi possit non fecisse, absolvendum, quia hic potius credendum Reo: si autem ipsemet Confessario sit factus, non esse absolvendum, nisi velit etiam in judicio fateri, quia ad hoc tenetur.*
1850. §. 10. Nec ante nec post supplicium quidquam dicat contra Judices, sed solos privatim admoneat, si opus, debet enim stare pro auctoritate Judicium ne Reos concitet, & sic mortem impatientius admittant. Plura videri possunt apud *Lohner De conversatione Apostolica p. 2. c. 5. Voglerum Trostbronn l. 7. c. 2. 3. 4. Polani in Methodo adjuvandi moribundos c. 18.*
1851. Q. 271. *Quid agendum sit Confessario hominis ebriosi, vel habentis ebriosam uxorem. Bl. §. 1. Ebriosus obligandus est ad declinandas occasiones bibendi, vel ad bibendum non plus, quam sciat per experientiam se posse portare. Si monitus non faciat, in pœnam injungenda abstinencia à potu inebriante diebus illis, quibus prævidetur futura occasio. Si bibere debet, quòd cogatur prandere vel agere cum aliis bibentibus, nec omnino possit nequidè per fraudem declinare haustum, suggerenda sunt præservativa & naturalia remedia pro cavenda ebrietate, qualia colligit Gob. in Quint. 5. c. 5. l. 1. & 2.*